



12

O R A T I O
D ESS.^{MO} PATRIARCHA,
INTEMERATÆQUE VIRGINIS
GENITRICIS DEI MARIÆ
FELICISSIMO CONJUGEDIVO JOSEPHO
PUBLICè RECITATA
IN ALMA METROPOLITANA,
AC PATRIARCHALI ECCLESIA
HISPALENSI

DIE 1. DECEMBRIS ANNI 1777.

A D. FRANCISCO MARIA
GONZALEZ DE MENDOZA, ET MALCAMPO,
IN AULA TERTIA, ET QUARTA
COLLEGII MAJORISS. THOMÆ AQUINATIS
PRÆLAUDATÆ CIVITATIS STUDIOSO LATINITATIS
CANDIDATO,
*ET ELABORATA*A P. Fr. FERDINANDO REYNOSO,
IN PRÆDICTO MAJORI COLLEGIO HUMANARUM
Literarum Professore.

HISPALI: Cum approbatione D. Censoris Regij, & cum licentia,
ex Typogr. Emman. Nic. Vazquez.

OTELLO

BY WILLIAM SHAKESPEARE

IN THREE ACTS

DRAMATIS PERSONAE

OTELLO, General of the Venetian Army

DESDEMONA, his Wife

IAGO, a Venetian

CLAUDIO, a Venetian

RODERIGO, a Venetian

BRABANTIO, Governor of Cyprus

ANTONIO, Merchant of Venice

SCARPO, a Venetian

OTELLO, General of the Venetian Army

DESDEMONA, his Wife



ORATIO.



MIRARI fortasse vos credo (amplissimis summisque laudibus ob præclaram meritum copiam commendabilis Præses : Honoratissime omnium ordinum adstantium cætus : Studiosa Juventus.) Mirari fortasse vos credo , me , nullo neque ingenio, neque exercitationis usu , neque doctrina sublevatum, in hoc orbis gentium, & ad dicendum amplissimum , & ad agendum ornatissimum Theatrum , apud hanc tantam doctissimorum hominum frequentiam, & gravissimum conspectum de Sanctissimo Patriarcha intemeratæque Virginis Genitricis Dei Mariæ felicissimo conjuge Josepho verba facturum conscendisse. Satis mihi quidem exploratum est, quam ar-

duam susceperit provinciam, & difficilem, qui in amplissimo doctissimorum hominum conventu dicere conatur, quippe ille invenire subtiliter, inventa prudenter collocare, collocata copiose eloqui, elocuta venuste pronunciare debeat: quapropter à suscepto omnino deterrerer consilio, si humanitati vestræ confissus, non tam quæ dicam, quæ non poterunt non esse puerilia, quam studium, ac voluntatem meam vos considerem spectaturos. Talis tantaque mihi oblata est causa, ut quamvis numquam sit ad dicendum defectura, attamen, cum nullum tam magnificum, ac incredibile dicendi genus, nulla ingenij ubertas, & copia, nullus eloquentiæ ornatus, qui eam pro dignitate extollant existere possunt, debilis, ac tremebunda semper proferetur Oratio. Quoniam autem si maximis Josephi virtutibus, quæ à quoquam licet fandi potentissimo nequibunt aspirari, cogitationes auditorum avidæ depascantur, ipsorum flagrantissimis satisfiet studijs, & desideria complebuntur, ideo unam aut alteram (quis enim om-

nes enumerare ausit (I) attingam. Et ne longius nostra vagetur oratio, hoc tergemino honore totam Josephi dignitatem complectenti definietur: Scilicet Joseph vir Mariæ fuit: Pater Jesu fuit: Filius Davidis fuit, & faber. Hoc dum paro, nonnullum in vobis præsidium quæro (auditores) ut illam tantam audiendi benignitatem, qua apud vos verba facientes prosequimini, mihi vestra patientia nullatenus abusuro indiserto Oratori tribuatis. In hac igitur Josephi laudatione non ambitu verborum laborabo, sed nudas tantum rerum summas exponam: propterea quod si virtutes ejus, quibus non solum æquales, sed etiam majores naturæ antecellebat omnes, percensere conaremur, os illum probum, facundum, consilij plenum, illa derivata de cælo species, illæ mentis ingenitus candor, illa animi mansuetudo, & suavitas ad omnem humanitatem composita, præterea accuratissimus Numinis cultor, paternarum traditionum religiosissimus assertor, mitis in contubernio, effusus alijs, sibi parvus,

omnibus affabilis, Deo gratus, tantam dicendorum copiam præberent, quanta justis conscribendis voluminibus sufficeret. Sed præ his ab animo pariter ac natura derivatis dotibus, ille virginittatis candor, quem ultimum ad usque vitæ spiritum custodivit intemeratum, maximis preconij memorandus est. Decebat enim ut ille vir, cui virginum virgo tradebatur custodienda, tanta virginittate floreret, tantam apud Deum gratiam inveniret, tantæ apud homines esset sanctittatis, ut sponsus virgo, miraculo virgæ florentis auspicante, Immaculatæ Virginis esse meretur dignissimus. Quapropter mulierum Speciosissima, Dei futura Genitrix, Virgo, Angelorum decus, præstantissimum humani generis Ornamentum, Maria, non solum non dedignatur accipere sponsum, sed diligere fratrem, sed venerari Josephum parentem. Intermerata enim Mariæ Virginittate Josephi geminabatur Virginittas, & novo Divinæ Gratiæ miraculo forma non pudicitie contradicebat, sed suffragabatur. Fortunati conjuges, quibus pronuba Di-

vinitas affulsit, quibus maxima, in qua omnes
 Cœlorum divitiæ continebantur, dos,
 nostra vestitus carne, nostramque reparaturus
 naturam Unigenitus scilicet Dei Filius traditur
 pascendus, custodiendus, educandus. Tanta igitur auctus Dignitate
 Josephus, maxima, quæ potuit, vota concepit
 nuncupavitque digna majoribus suis, digna
 Davidis Filio, digna Mariæ Sponso, digna se ipso.
 Hinc illud supra omne, quod dici, aut excogitari potest
 prestantissimum Josephi munus, quod veterum
 nulli mortalium contigit, nec posterorum
 continget. Quid enim præstantius, quid
 admirabilius, quam ut hominum assertor
 Christus ei obsequatur, quem ipse condidit!
 Vocitet Patrem, cujus advenerat reparator!
 Et suum habeat, quem ipse alebat, altorem!
 Hæc maxima Josephi Dignitas, hæc meritorum
 suorum luculentissima commendatio, quæ
 tanto quorumlibet commendabilium virtutibus
 antecellit, quanto obsequentissimum se præter
 omnes exhibuit Christus. Josephus igitur
 alumnum Orbe majorem suas in ulnas acci-

cipiebat, nec tanto deprimebatur pondere,
 quia ab ipso, quem rerum vniversitas fa-
 bricatore, & conservatore experitur,
 virtutem accipiebat, & vires. Mortalis
 itaque Joseph immortalitatis munia quodam-
 modo consequutus, eam vitam, quæ nun-
 quam moritura, quæ sempiterna, perpe-
 tuaque futura, fruituraque voluptatibus,
 & æternis, & maximis vivebat. Mirificis,
 ac divinis gaudijs ex aspectu, colloquio,
 complexu, convictuque illius, quem tan-
 toper adamabat, in terris jam potiebatur,
 perpetuo in Cœlis potiturus. O maximum
 Josephi meritum! O maxima Sanctitas!
 Ipse ab ipso humilitatis obedientiæ, &
 mansuetudinis, mansuetudinem, obedi-
 entiam & humilitatem didicit Josephus Ma-
 gistro. Nusquam gradum efferebat, quin
 Divina virtus eum quasi umbra comitare-
 tur, & quoniam mens sua mortali con-
 tagione secreta, pura omnis, funditus
 sincera, ubique se promerendo Deo præ-
 stabat, minime ambigendum est, quia
 tantæ Deo curæ esset Josephus, quanta
 solitudine, charitate & benevolentia Deum
 ip-

ipsum mortali circumvestitum carne ille custodivit : Quin humanum supergressus modum, quidquid ab ipso omnium munerum largitore Deo petivit, acciperet, majora in posterum accepturus, cum id, & vita sua mereretur, & virtutum suarum magnitudo exigeret, & ipse Deus obsequens esset imperanti Josepho. Cedant illi non recentium modo sæculorum Heròes, sed totius memoriæ vetustas glorietur penes se sanctitatis famam extitisse ; Omnes igitur quotquot, virtute, & sanctitate ducibus, ad refrænandas cupiditates, ad propitium habendum numen, stricte parce, moderatèque vixerunt, quorum etiam ætas carnis maceratione conterebatur omnis, quando non solum Cœlestem opem presentiore, sed & obsequentissimum sibi Numen pro merito integritatis habuerunt ! Nec minora sunt (Auditores) promerita, quæ ab suorum claritate Gentilium derivata, Josephum super æthera tollunt. In ipso enim præstantioris nobilitatis Architecto præstantissimum Davidis regium tot aviris stemmatibus, clarissimisque nobilitatum insignibus, genus finitum fuit. Sed miramini, (Auditores)

mirabilia Divinæ Providentiæ opera. Regalis equidem Christi genealogia exordium in agricola, in fabro autem finem habuit, ut illud fatale lignum communes peccati fructus produciens, & acerbos, quod primus orbis agricola, & hominum parens Adamus severat, à Christi parente, & fabro Josepho exideretur. Nec ejusmodi sunt à Christo natales alieni. Nascitur enim ipse orbis effector ac reparator Christus inter ipsa, malleos, forfices, clavos, & ligna, vitæ ministeria, quæ postea suæ mortis instrumenta fuere. Quid ergo aliud hujus Universitatis ædificator Deus, Orbibus tornandis, inspicandis montibus, campis dolandis, fingendis hominibus incumbens, quam fabrilia, fecit? Ut merito Deus ipse faber, & fabri filius appellandus sit. En igitur, Auditores, maximam Josephi dignitatem. Jactet Orbis caput Roma suum mundi domitorem Augustum; Domini rerum vocitentur Romani: Sed parvum Nazareth oppidum de suo meliori gloriatur Augusto, (Joseph enim Augustus dicitur) rerum Dominorum Dominum domi suæ possidere, pascere, educare, custodire ob ipsius preclarissimas virtutes singulari Divini Numinis providentia designato.

nato. Sed jam (ornatissimi Auditores) quoniam mihi & temporis rationem est habendum, & hac tanta vestra audiendi benignitate nullatenus abutendum, nihil superesse videtur nisi ut in hac extrema Oratione mea (si tamen Oratio dici potest Sermo invenustus, & inficetus) ad Sanctissimum Patriarcham Josephum unice convertamus. Quantum enim ipsum apud Deum valere censeatis, & valiturum? Quid non obtinere, quid non suis præcibus efficere posse putatis? Ejus igitur patrociniū, semper nobis præsentissimum futurum, hoc suarum specimine virtutum apud animos nostros frequenter proposito, ambientes imploremus. Fieri enim non potest, quin, ipso apud mundi Æffectorem, pariter ac Rectorem Deum interveniente, nobis nequē in fugiendis periculis animus, nequē in ferendis laboribus constantia, nequē in tolerando illatas nobis injurias, patientia, nequē in adimplendo Divinæ legis præcepta, subsidium, nequē in studio virtutis amplexando, cæleste propitium Numen defuturum.

D I X I.

